

Buek Daih Cib'it Aen Danhvei Aen Gih Guhyiengh Minzcuz Doxgiet Baenaj Daengx Guek Goengbouh Gvangjsih 14 Aen Dieg Caeuq Danhvei Hwnjbuengj

Mboengqneix, gicej daj bouhmonz mizgven de rox, Gozgyah Minzveij yaenqfat le 《Aen Gietdingh Gvendangz Ancoh Hawj Buek Daih Cib'it Aen Gih Aen Danhvei Guhyiengh Minzcuz Doxgiet Baenaj Daengx Guek》, miz 248 aen dieg caeuq danhvei ndaej aen mingz ak neix, youq ndaw haj bi de cungj mizyauq. 4 aen si laeb

gih, 4 aen yienh (gih) daengj 14 aen dieg caeuq danhvei gih raeuz caemh ndaej hwnjbuengj: Vuzcouh Si, Fangzcwngzgangj Si, Hozciz Si, Cungzcoj Si, Liujcouh Si Liujnanz Gih, Hocouh Si Bazbu Gih, Hozciz Si Nanzdanh Yen, Hozciz Si Vanzgyangh Mauznanzcuz Swciyen, Bwzhaij Si Yinzhaij Gih Gyauzgangj Cin, Gozgyah Suivu

Cungjgiz Yungzsuij Myauzcuz Swciyen Suivu Giz, Ginhcouh Si Ginhbwz Gih Dasw Fazdingz, Nanzningz Si Hinghningz Gih Diuzgai Minzswng Vangsenhboh Segih, Nanzningz Si Mingzsiu Siujyoz, Laizbinh Si Cizyez Gyauyuz Cunghsinh Yozyau.

Gyauw bi neix, daengx gih gak dieg gak aen bouhmonz yaengxsang

mbawgeiz Cunghvaz Minzcuz daih doxgiet, aeu couqmaenh gij eiqsik caezcaemh Cunghvaz Minzcuz guh fuengyiengq gaenbonj, haeujlaeg doi-doengh cauhaeb minzcuz doxgiet baenaj, ok le buek denjhingz senhein minzcuz doxgiet baenaj.

(《Gvangjsih Yizbau》Hoz Mingzvaz/何明华)



Yungzsuij Ganj Guh Gyaeujlungz Coux Bi Duzlungz

Geij ngoenz neix, doengh boux saefouh Liujcouh Si Yungzsuij Myauzcuz Swciyen Vanghdung Yangh cagaenj guh gyaeujlungz foux lungz, aeu foux lungz bae ciepcoux cieng duzlungz. Moix bi gvaq cieng, lai aen Mbanjcuengh Vanghdung Yangh cungj foux lungz nauh haicieng, mbaenjgouz bimoq bingzan ndaej sou lai.

(Lungz Dauh/龙涛)

◀Bouxsaefouh ganj guh gyaeujlungz.

Lozcwngz Langhbaij Mbawdoz Vwnzva Yihfan

1 nyied 24 hauh, Lozcwngz Mulaujcuz guh “Mulauj raiz fwen moq Yihfan hoh bi hoengh” aen langhbaij vwnzva Yihfan Mulaujcuz, yinx le haujlai hekyouz daeuj

yawj langhbaij. Vunzlai riengz bouxingjsiengq caez yawj gij vwnzva cietyihfan, daejniemh yienghndeide daegsaek Mulaujcuz.

(Mungz Cwngghsw/蒙增师)



▲Bouxgagnyienh soengq cih “fuk” hawj vunzlai.

Bouxcoz Duh'anh Fugsaeht Vunzlai Ma Ranz Gvaq Cieng Raeuj Simvunz

1 nyied 26 hauh, bouhmonz dietloh cingqsik hainduj gij hong daehyinh vunzlai ma ranz gvaq cieng bineix. Hozciz Si Duh'anh Gauhdezcan, Duh'anh Giechcan yaek miz hek daeuj lai lo. 1 nyied 26 hauh daengz 2 nyied 26 hauh, Gungcinghdonz Duh'anh Yenveij caeuq Cunghdez Nanzningz Giz Mbaenq Liujcouh Cehvu Donzveij guh “bouxcoz guh gagnyienh raeuj diuz roen ma ranz” bi 2024 “aen hengz-

doengh raeuj seizdoeng” bouxcoz Duh'anh gagnyienh fugsaeht vunzlai ma ranz gvaq cieng. Daengx yienh gungh miz 30 lai vunz bouxgagnyienh dazyinx vunzlai cawx biuq, hen ndei gijliz, wngqgip gouqcoengh daengj gagnyienh hozdung. Gyoengqde lij soengq cih “fuk”, doiqcieng caeuq raemxraeuj, hawj vunzlai seizdoeng dauqma ranz roxnyinh raeujsim raixcaix.

(Dwng Cozgaj/邓卓凯)



▲Vunzlai ngonzyawj gij siengq cietyihfan Mulaujcuz.